

容

庶物類纂

水屬
自二十六至二十七

太政官文庫			
和書門	特別	三三六二	第三番
		三四六	第四番
		四六五	册架函

内閣文庫			
番號	和	32362	
册數	465(103)		
函號	特	54	1

八十四

共廿二




Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

© Kodak, 2007 TM: Kodak







庶物類纂水屬卷之二十六目次

湖水

江水

潭水

庶物類纂

卷二十六

水屬目次

湖水

倍名迷ミ紫ツ蕪ウ迷ミ又名盍ア法ハ蕪ウ迷ミ

湖水

謹按春秋國語伍子胥諫吳王與我爭五湖之利非越乎及越滅吳范蠡乘扁舟於五湖湖者言流瀆四面所隈也川澤所仰以溉灌也今廬江臨丹陽蕪湖縣是也風俗通義○漢魏叢書

衡陽縣東二十里有鄱湖周二十里深八尺湛然綠色土人取以釀酒其味醇美晉羅含湘中記○說郛

邛都縣下有一老姥家貧孤獨每食輒有小蛇頭上戴角在牀間姥憐而飴之食後稍長大遂長丈餘令

有駿馬蛇遂吸殺之令因大忿恨責姚出蛇姚云在
牀下令即掘地愈深愈大而無所見令又遷怒殺姚
蛇乃感人以靈言曠令何殺我毋當為母報讐此後
每夜輒聞若雷若風四十許日百姓相見咸驚語汝
頭那忽戴魚是夜方四十里與城一時俱陷為湖土
人謂之為陷湖唯姚宅無恙訖今猶存漁人採捕必
依止宿每有風浪輒居宅側恬靜無他風靜水清猶
見城郭樓櫓晏然今水淺時彼土人沒水取得舊木
堅貞光黑如漆今好事人以為枕相贈晉于令升搜
神記○鹽邑

林志

機

謹按明曆年間越中州水見之城邊一時陷一
丈許人畜多斃其地今尚存焉淵鑑類函中吳地
記所謂當湖亦謂陷湖是也

滂湘之民歲暮取江水一斗歲且取江水一斗較其
輕重則知其年水勢高下云重則水大輕則水小甚
驗宋范致明岳陽
風土記○說卦

句容縣有羊湯湖其水同一澗而羊冷羊熱熱可以
淪雞皆有魚魚交入輒死民引熱水以溉田一歲再

熟大明一統志○明閔文振異物彙苑

機

謹按陸奧州南部之奧北郡ヲノベ恐山中有湖曰恐

山湖湖水羊冷羊熱水湄之草木土石狀色各異也俚人呼熱水岸下曰地獄濱冷水岸下曰極樂濱是亦羊湯湖也

出銅船交州有一湖去合流四十里至陰日百姓樵

捕見銅船出水上又有水牛在湖之中

劉欣期交州記○合璧事

類
陷城為湖今巢湖古巢縣一日江漲港有巨魚取以

貨于市合縣食之有一老媪獨不食遇老叟曰此吾子也汝獨不食吾厚報汝若東門石龜目赤城當陷媪日往視有稚子訝之媪以實告稚子欺之以朱傅龜目媪見急出城有青衣童子曰吾龍之子乃引媪登山而免青瑣高議○合璧事類

石湖在生番界內入大武郡山行十餘日乃至有社曰茄茺網湖大里許天將雨湖輒水漲丈餘或以為湖底有眼通海諸羅縣志

固城湖有聲起自水中如大爆遠近皆聞之然不知

在何所近有漁者繫舟于葦邊至中夜忽然聲震蓋自水底起焉今歷十餘年皆然亦無他故不審何謂
新建縣志

說文曰湖大陂也水澤所仰以灌溉也

廣雅云湖池也

風俗通云湖都也流瀆四面所限都也

周官揚州其浸五湖按張勃吳錄五湖者太湖之別名其周行五百餘里故以五湖名虞翻又云太湖水通五道謂之五湖或說以太湖射瀆湖上湖兆湖漏

湖為五湖按國語吳越戰於五湖直在笠澤一湖中戰耳則知諸說非也揚州記曰一名震澤一名笠澤一名洞庭

風土記曰陽羨縣東有太湖中有包山山下有洞穴潛行地中云無所不通謂之洞庭地脉也

統志云青草湖一名巴丘湖北連洞庭南接瀟湘東納汨羅之水每秋夏水泛與洞庭為一水涸則此湖先乾青草生焉

裴氏廣州記曰廬山頂有湖廣數頃有楊梅山挑止

得干上飽噉不得持去

神異經曰北方荒外有石湖其水恒冰

郡國志云彭蠡湖心有太孤山石高數十丈大禹刻

石以紀功焉有乞烏隨船行舟人擲搏飯接之高下

不失一粒

淮南子曰夫歷陽之都一夕反而爲湖歷陽淮南國

名昔有老嫗常行仁義有兩書生過之謂曰此國當

沒爲湖視東城門閫有血便走上山勿返顧也自爾

此嫗數往視閫吏問之嫗對如其言至暮門吏殺雞

以血塗門明日嫗早往視門血便走上山國沒爲湖

吳地記云當湖在平湖治東周四十餘里即漢時陷

爲湖者亢旱水涸其街陌遺跡隱隱可見

錢塘記曰石鼓湖在杭州府城東北桐扣山下晉武

帝時岸崩出一石鼓扣之無聲張華命取蜀中桐木

刻魚形扣之聲聞數里

郡國志曰鄱湖在衡州府城東其水湛然綠色取以

釀酒極佳晉武帝薦之太廟吳都賦飛瓊觴而酌鄩

綠卽此

鄭緝之東陽記曰北山有湖故老傳曰其下居民有徐公者常登嶺見湖水湛然有二人共博于湖間自稱赤松子安期先生有一壺酒因酌以飲徐公徐公醉而寐其側比醒宿草攢蔓其上及抵家而家人已服闋矣今其處猶名徐公湖

淵鑑類函

鐘湖山山半有湖泥如浦淑是生蘆荻有積水其味特鹹應潮盈縮相傳湖中有鐘下有鐘蛟龍出沒

閩書

龜湖山平地突出有湖浮龜焉湖亦昔人鑿以削仙嶺火曜者唐僧唯亮結庵湖上乘龜而游宋學宮在

山麓以此湖為類池元皇慶間主簿胡璉徙學金山地為僧寺至正中元且湖水忽應潮盈縮湖中巨魚

幾見

閩書

鹹水潮諸水皆淡此湖獨鹹

高州府志


江水

俗名葉那迷紫

水屬

江水

一



江水

江水流泉遠涉順勢歸海不逆上流用以治頭必歸於下故治五勞七傷羸弱之病煎藥宜以陳蘆勞水取其水不強火不盛也無江水則以千里東流水代之如涇渭之類

唐孫思邈千金備急方

江水取去人遠者揚子南冷夾石滄淵特入首品

明屠

隆考樂餘事○
陳眉公秘笈
釋名江者公也諸水流入中所公共也禹貢三江既入震澤底定注云松江七十里分流東北入海者為

婁江東南流者為東江併松江為三江或云岷山為大江至九江為中江至徐陵江為北江蓋一源而三目也周禮職方氏東南曰揚州其川三江三江者東行至揚州復分為三道而入海故揚州有三江也蜀之三江則外水岷江中水涪江內水沱江也禹貢九江孔殷九江即今之洞庭在長沙下雋西北今沅水漸水元水辰水叙水酉水澧水資水湘水皆合於洞庭是也潯陽記九江一烏白江二蟬江三烏土江四嘉靡江五畝江六浮江七廩江八提江九菌江是也

枚乘七發觀廣陵之曲江今揚州是也始興郡有曲江今韶州是也廣雅江神謂之奇相

涪音浮蟬音捧○明彭大翼山

堂肆考

風俗通江者貢也為其出珍物可貢獻也

明陳希顏事言要玄

丹徒志類集江水至金山分為三冷中朝故事李德裕使取金山中冷水水記揚子江南冷水第一蔡祐竹窓雜記石排山北謂之北灑劉伯芻水品以中冷為第一陸羽茶經以為第二東坡詩中冷南甯石

無物類纂

卷二十六 水屬 江水 三

盤陀蔡肇詩中冷之西古石排蜀之三江外水岷江中水浩江內水沱江

也。同上。

筆談江湖間唯畏大風冬月風作有漸船行可以為備維盛夏風起于顧盼間往往罹難曾聞江國賈人有一術可免此患大凡夏景須作于午後欲行船者五鼓初起星月明潔四際至地皆無雲氣便可行至干已時即止如此無與暴風遇矣國子博士李元規云平生遊江湖未嘗遇風用此術同上論江水取去人遠者亦確井取汲多者止自乏泉處

可爾井故非品吳興徐猷忠水品。續說郭

大建十四年江水赤如血武昌府志

蘓子瞻志林有三江味別之說蔡傳深非之然以禹貢本文論之揚州言三江既入而於經言江漢朝宗於海則同流而自為道可知矣許敬宗謂濟入河狀地南出亦以味別以今楊子江心有南冷北冷之異則知其入而不合正不疑也古有五行之官水官得職則能辨其性味潛而後出合而更分皆可辨之故師曠易牙張華陸羽張文新品天下之水性味不同



蓋古水官之遺法豈獨爲口腹哉蘓子之說蓋本於此味別之說恐不可廢况蔡氏於後章之傳亦性別鹹苦之說何獨怪蘓子哉

又考郭緣生述征記緣生於河上遇一書生問之曰何知濟與河上源不異物之不同獨鉛錫也比濟既入於河性與河別不能合混滲漉入地狀行而溢爲榮爾今之歷下發地悉是流水濟所過也東阿之水正濟所溢故今阿膠上濁任吐下膈踈痰正以性趨下清而且重故治於濁逆上之病譬如油之與水固

不同情九夏之辰冷熱之風亦各爲隊豈必謂無水過水哉涇渭分曹南北異零此理不少鄭樵謂山過山則分水過水則合世無山過山水過水之理謂漢入於江其文止此有脫文沈入於河其文亦止於此而溢爲榮之上當更有導沈水數句說經不通不以爲脫必以爲誤此書生之竺疾也慎嘗聞其說云山過山則分難分而性不分如羅浮二碣以風雨而合離蓬萊兩山隨波濤而上下玄中記云名山有孔竅相通是也水過水則合雖合而性不合沈括云水以

漳名者從水於章章者別也文也謂兩物相合有文章可別也清漳濁漳合於上黨當陽者沮漳合流也灑上者章貢合流也鄣郡者西江合流也毫漳者漳渦合流也雲夢者漳鄭合流也凡此數處皆清濁合流色理如蟠螭又數十里如璋璋者判合之器也白公問於孔子曰以水投水何如孔子曰淄澠之味易牙能知之斯固味別之說也蔡氏之譏蘓子亦過矣或問余水味之說則詳矣水性之別何如曰班固司馬遷貨殖傳地理志備矣論其極則庭州灑水金鐵

水屬 卷二十六

皆漏庭州灑水在大荒之外以金鐵承之皆漏惟角與甄葉則否拘茅山中有流水亦如之廊
廷之川日夜脂流即廷安石油也以爲煙墨松脂不及唐詩二即山下雪紛紛石煙多
于洛南荒有黑溪水其水以塗
陽塵弱水弱毛黑溪玄水象至輒不忒昆侖兒以塗
塗皇即能乘象如家畜古悉唐割角畔怯腐羊見佛
所謂黑昆侖今之象奴也
水性不同有如此者學所以貴博物也丹鉛續錄○明唐荊川猗

編

嘉靖二十六年七月二十四日陝西西安府同州澄

城縣麻林陂界頭山未時吼起聲如風雷晝夜響至

二十七日子時山嶺高一、百餘丈腰約七十餘丈劈

無物類纂

卷二十六

水屬

江水

六

裂一羊而下東西移走三里南北五里東有土嶺深澗淤塞漫平又隆慶四年八月三日湖州山崩成川

明田藝蘅留音日札○紀錄彙編

長江水長江天塹介限南北源發河漢東流到海水之浩淼無垠莫踰於此

明李東璧食物本草

江公也衆水共入其中也水共則味雜故鴻漸曰江水中其曰取太人遠者蓋太人遠則澄深而無盪漭之瀉耳

明田藝蘅煮泉小品○續說邗

弘治辛酉仲夏二日夜分古渝城上忽白光映天見

者驚異爭起視之但見渝水明耀浮光上燭而已次早驗之宛如豆汁人不敢飲踰三日始澄澈叙州府使人探流至木川長官司抵崇山峻嶺林木翳鬱阻不能前詢之父老言此水發源自建昌從來未有此變也愚謂江海嘯笑亦常有之此何足怪觀桑欽著水經陸羽辨淄沔二水味等而上之大禹定水之色性似變異無所疑矣

江陰張誼官遊紀聞○續說邗

陳大建十四年七月江水赤如血自建康西至荊州復明中江水赤自方州東至海洪範五行傳曰火沴



水也。法嚴刑酷，傷水性也。五行變節，陰陽相干，氣色繆亂，皆敗亂之象也。京房易占曰：水化為血，兵且起。是時後主初即位，用刑酷暴之應，其後為隨師所滅。

江寧縣志

至正元年，拂子江一夕忽竭，舟楫皆閣於塗中，露錢貨無數，蓋累年覆舟遺物也。人爭取之，潮至輒走，潮退復然，累日江始安流。識者曰：此江笑也。然果先失

江南上元縣志

機謹按江寧府志文同

水路視潮次，停猶驛鋪也。循州境東出漲海萬里，潮隨月長，晝夜至如符契，道閩安之上，江面澄濶，別為西峽，逾于南臺，皆會于懷安，進而至湯背，止以與溪流接，白愛潭東下，縈紆數百里，危徑狹過，行者蚕足，輕舟朝發，乃一夕可至南望，交廣北眺，淮澗渺若一塵，來風轉柁，顧不過三數，自偽閩時，蠻郡放檣，且次江岸，國初六縣鹽舸徑輸州倉，以達于上，四郡今福清長樂，涇頭歲運未嘗停，民無酤米，釀作兩溪糯米，舳艫相銜，歲小儉，穀價海涌，南北艦困載，欵至城外。

其諸貨寶回往不可名計浮于海達于江以入于河莫不有潮次云

初一十六	午	初二十七	午
初三十八	未	初四十九	未
初五二十	申	初六廿一	申
初七廿二	酉	初八廿三	酉
初九廿四	卯	初十廿五	卯
十一廿六	辰	十二廿七	辰
十三廿八	巳	十四廿九	巳

十五三十 巳未午 初此潮入州城內河之候也

江潮常緩海潮三刺至入河則又少遲耳 三山志

隋高祖開皇二年七月陳京口至荊州江水色赤如

血湖廣總志

世傳崇明為海外不知實在江內蓋崇居蕪州府嘉定縣之北揚州府海門縣之南東南至高家嘴東北至廖角嘴然後達海古云海無邊扶輿盡處無復地面一望汪洋故以海稱也崇則南自嘉定以東北自海門以東遙望高廖二嘴尚懸三百餘里南北兩岸

烟樹隱然斯內江之實證一又海鹹河淡水味迥殊
蓋海潮性涵一沾禾黍立成枯槁江潮味甘南北田
畝賴資灌溉崇峙江心東去三百餘里出高廖口子
始接海潮而味纔鹹此水分鹹淡內江之實證二且
長江發源岷山萬里奔瀉合漢沔洞庭鄱陽廣陵諸
水至此朝宗入海是萬里狂流盡從高廖一口而出
所以口內之水獨高數尺以江口隘也口外之水恒
低數尺以海面濶也此水勢高下內江之實證三前
人江海之論不詳動以崇為外海不知非外海實內

江也謂之孤懸江中則是謂之孤懸海外則非謂之
江表孤城則是謂之海外孤城則非但相傳已久此
江彼海隨意混呼至詳稽江海實理則三證鑿然不
待智者而後明也前戶部張士堅序崇明州志有云
崇明當長江之匯大海之交此八字差足擬崇之形
勢謹存此辨以便上人之稽核云

江海辨說
崇明縣志

吳寶鼎元年宜騫之毋溺于湖化為鼈湖中每年生
一物或荷花或菱芡或茜草隔年則其種盡易
江居章切音萎說文水出蜀漸氏徼外岷山入海又

當塗縣志

禹貢三江既入說者泥蜀人稅安禮指掌圖以為蕪
軾作謂豫章水出彭蠡者為南江以足經文中汪北
江之數蔡沈書傳至唐仲初吳郡賦註松江下七十
里分流東北入海為婁江東南流者為東江并松江
為三皆與禹貢三江之舊不合失在從下流求之不
從上流發源處求之耳郭璞註山海經云岷山大江
水所出岷山南江水所出岷山北江水所出徐鉉註
說文云江出岷山至楚都名南江至潯陽為九道名
中江至南潤州名北江入海蓋三江皆發源于蜀注

震澤禹貢紀其源而及其委非為吳地記其改易不
常之名也舊註引蔡傳婁江東松江之說失考正
又蜀有三江外水岷江中水涪江內水沱江又九江
府屬江西潯陽地記曰一烏白江二蟬江三烏江四
嘉靡江五畎江六源江七廩江八提江九茵江春秋
為吳楚地秦為九江郡漢封黥布為九江王晉為潯
陽郡即古江州又國名春秋江國在汝南安陽縣安
陽故城在蔡州新息縣西又川之大者皆曰江又章
貢二水合于虔州謂之雙江又江膺猶言江心水經



注曰若水至樊道縣又謂之馬湖江澗水瀘水孫水
淹水大渡水皆合焉縣人隗叔通為母汲江替水天
為出平石至江替中今名孝子石應璩引此以為江
裔水又梵言那提此云江又云河

清廖文英
正字通

潭水

潭水

方輿勝覽云。雍之洋縣。念佛巖下有潭。如碧鏡。每歲五日。已午間。忽有泡光出。色艷異甚。常時則無。清來元成

博學彙書

機謹按歲字之下疑脫五月之二字也

潭水在中。線方廣二丈餘。形若井。崇山環列。天將雨。風則水漲。發聲如潮。番民以占陰晴。諸羅縣志 碗潭在長嶼。大如碗。其底空洞。莫測。太平縣志

庶物類纂
水屬卷之二十七

庶物類纂水屬卷之二十七目次

- 流水
- 千里水
- 東流水
- 急流水
- 逆流水
- 耳爛水

庶物類纂
卷之二十七

水屬目次

庶物類集 卷三十一

流水

倍名ナ拿カ憂レ獵ミ迷ツ紫

庶物類集

卷三十一

水屬

流水

二

唐物類彙編卷三十一

流水

曲水 周公卜邑於洛，羽觴隨波。秦王置酒於河，金

人捧劍。曲水其義何指？答曰：漢章帝時，平原徐肇以

三月初生三女，至三日俱死。一村以爲怪，乃携酒至

東流，水邊洗滌去災。因水流以泛觴，曲水之義起此。

帝曰：若如所說，便非佳也。尚書郎束皙曰：摯虞小

生不足，以知之。臣請說其始。昔周公卜洛邑，因流水

以泛酒，故逸詩：羽觴隨波。流又秦昭王三日置酒於

河曲，有金人自泉而出，捧水心劍。曰：令君制有西夏

沿，爲盛事。帝善之，賜金五十斤。相

永和之春，癸丑之歲，罰酒三升，得詩一句。世說：桓

公南蠻參軍時，賓客大會，作詩不

罰酒三升，而隆只得詩一句而已。

水屬

流水

三

水經注卷之二十一

三已

沉佺期三日詩云九門馳道出三已柳堂閣

四筵

阮瞻上已會賦去列四筵而設席兮

祈吉祥於斯塗

周楔曲洛

周之時楔飲於曲洛

晉宴上林

晉朝上已宴上林也○唐

韓鄂歲華紀麗說郭

屈子天問九州安錯川谷河濟東流不溢孰知其故

朱子曰水注海曰川注川曰溪注溪曰谷此章三問

今答之曰九州所錯天地之中也川谷之濟衆流之

會也不溢之故則列子曰渤海之東不知幾億萬里

有六壑焉實惟無底之谷名曰歸墟八紘九野之水

天漢之流莫不注之而無增無減焉莊子曰天下之

水莫大於海萬川歸之不知何時止而不盈尾閭泄

之不知何時已而不虛柳子曰東窮歸墟又環西盈

脉穴土區而濁濁清清墳墟燥䟽滲渴而升充融有

餘泄漏復行番運激激又何溢焉三子之言遞相祖

述而柳又明歸墟之泄非出之天地之外也但水入

於東而復遠於西又滲縮而升乃復出於高原而下

流於東耳此其說亦近似矣然以理驗之則天地之

化往者消而來者息非以往者之消復為來者之息

也水流東極氣盡而散如沃焦釜無有遺餘故歸墟

尾間亦有沃魚之號非如未盡之水山澤通氣而流

注不窮也朱熹解天問川流之故○明唐荆川稗編

孫思邈千金方人參湯言須用流水用止水即不驗

人多疑流水止水無別予嘗見丞相荆公喜放生每

日就市買活魚縱之江中莫不洋然唯鮓鮓入江水

輒死乃知鮓鮓但可居止水則流水與止水果不同

不可不信又鯽魚生流水中則背鱗白生止水中則

背鱗黑而味惡此亦一驗也良方○宋張季明醫說

古說濟水伏流地中今歷下凡發地皆是流水世傳

濟水經過其下東阿亦濟水所經取井水煮膠謂之

阿膠用攪濁水則清人服之下膈疎痰止吐皆取濟

水性趨下清而重故以治於濁及逆上之疾今醫方

不載此意宋沈存中夢溪筆談○津逮秘書

流水者大而江河小而溪澗皆流水也其外動而性

靜其質柔而氣剛與湖澤陂塘之止水不同然江河

之水濁而溪澗之水清復有不同焉觀濁水流水之

魚與清水止水之魚性也迥別萍刺藻帛也谷不同

煮粥烹茶味亦有異則其入藥豈可無辨乎明李東璧本草

目細

濟之性勁源于晉伏流地中乍見乍伏一支穿太行
為百泉為衡水一支為濟源出山東為七十二泉大
抵天地勁氣在山西人之性勁天下其發亦如之所
謂并州剪刀者也漢之性曲其流十里九灣郢沔之
間瀦為澤藪皆漢之漾也語曰勁莫如濟曲莫如漢
五行火無體在物則藏燃物則用用盡則息五藏心
為火烟然中伏遇動則發不動則已明李夢陽空同
子○續說郭
老子谷神不死殊有深意源泉發處亦有谷神而混

混不舍晝夜所謂不死者也

吳興徐獻忠水
品○續說郭

河源古無所見禹導河起自積石漢使張騫持節西
域見二水交流發葱嶺趨于闐伏流千里至積石及
唐薛元鼎使吐蕃訪河于闐闐磨黎山皆非本真也
元有天下薄海內外皆置驛傳至元十七年命都實
佩金虎符往求之始得按河源在土蕃朶甘思西鄙
有泉百餘泓如散渙弗可逼視方七八十里履高山
下瞰燦若列星以故名火敦腦兒譯言星宿也群流
奔湊數里匯二巨澤自西而東而南其流浸大然初

水猶清人可涉又岐角八九股廣六七里水始渾濁
又經兩山峽其深叵測再過則崑崙山下矣北行轉
西流又向東北行至積石又至蘭州臨洮而湟水洮
水入焉又東北越亂山中過寧夏賀蘭山出塞外經
曩地又正東流過三受降城又正南流復入中國境
雲中東勝與黑河合又正南流過保德州葭州與吃
那河合又南流與延安河合又南流與汾河合又南
流而蒲州華陰遂折東流而底柱孟津潼關而河南
澶淵開州則東極而勢不復南遂轉而北向洛水大

陸播九河而入海在交州之境焉大槩河自發源從
西而東北流所歷皆西番地至蘭州凡四千五百餘
里始入中國北流過羸地凡二千五百餘里復
入中國通州河南幾二千里通計至入海有萬
餘里矣所云九折者彼地有兩折也此夏殷周之河
故道也若就今之地域則其復入中國者在山西境
而東勝而蒲州河南汴梁衛輝歸德徐邳清口合淮
匯入于海中原九流故道今皆渚湮黃河故道高時
屢決至漢武帝築瓠子後乃由河南山東出直沽入

廣雅釋詁

海自王莽障隄河徙于南其後河南水患漸甚自滙合淮由淮安入海則黃河襲淮之道矣併沐沂諸水皆歸焉○黃河源考訂
○淮安有志

安帝元初二年流水俄化為血京房占之曰水化為血兵且起穎上縣志

漢光武建武二十四年六月丙申睢水逆流一日一夜止商丘縣志

萬曆二十年壬辰夏汝水臭家汲泉以饗汝陽縣志
風穴在大陰山岩間其下置冰則經夏不消又有水

穴南江水至此分入地中至毛麻於村出焉○鄭樵

詩水穴風巖誰造汝最憐當暑有餘清東國輿地勝覽

弘治十一年六月十一日水溢時無風雨河水忽湧

三尺池沼亦然桐鄉縣志

萬曆二十四年八月自吳江至青鎮百里河水忽漲

有聲已而大風雨衝沒圩稼桐鄉縣志

說文云河者下也隨地下流而通也

魏天子傳曰河與江淮濟三水為四瀆河曰河宗四

瀆之所宗也

庶物類考 卷三十一

拾遺記曰黃河千年一清聖人之大瑞也淵類函
長流水與千里水同取來遠流長之意年足四末之
疾非此莫致順流水與朝東水類取直下無礙之名
大小便滯留用斯即利逆流水即迴瀾倒逆上流堪
吐上焦胸膈風痰清馮張兆
錦囊秘錄

千里水

庶物類考 卷三十一

水屬

千里水

一

本草綱目卷之二十一

千里水

千里水東流水二水皆堪蕩滌邪穢煎煮湯藥禁呪
神鬼潢汗行潦尚可薦之王公况其靈長者哉本經
云東流水為雲母石所畏鍊雲母用之與諸水不同
即其効也唐陳藏器本草拾遺
千里水即遠來流水也明李東璧食物本草

長流亦有通泉竇者必須汲貯候其澄徹可食明屠
綰餘事○陳眉公秘笈

煎陽盛陰虛目不得瞑藥用千里流水取其世之疾

煎物類集

卷二十七

水屬

千里水

二

瀉也
清張路玉
本經逢原

唐物類彙編

東流水

唐物類彙編

水屬

東流水

一


本草綱目卷三十一

東流水

東流水取其性順疾速通膈下關也。倒流水取其回
旋流止上而不下也。宋寇宗奭本草衍義

煎蕩滌邪穢藥用東流水。本經云東流水為雲母石
所畏。鍊雲母用之。清張路玉本草逢原

庶物類集
卷二十一
水部



急流水

庶物類集
卷二十一

水屬

急流水

煎煎藥一飲立溲則水可不釋

急流水

昔有患小便悶者衆工不能治令取長川急流之水

煎煎藥一飲立溲則水可不釋宋張從正

煎利水藥用急流水取性走也清張路玉

本經逢原


煎煎藥一飲立溲則水可不釋

水屬


急流水

二

麻物類考卷三十一



逆流水



麻物類考卷三十一

水屬

逆流水

一

魚物類纂卷二十七

逆流水

余知安州有鼎州通判柳應辰為余傳治魚鯁法以
倒流水半盞先問其人使之應吸其氣入水中面東
誦元亨利貞七遍吸氣入水飲少許即差嘗試之甚
驗宋陳襄文昌雜錄○說郛

逆流水主治中風卒厥頭風瘡疾咽喉諸病宜吐痰
明李東璧本草綱目

煎水逆嘔吐藥用逆流水取其上涌痰涎也清張路玉本經

魚物類纂卷二十七 水屬 逆流水 二

本草綱目卷之二十一

甘爛水

一名勞水

水草
綱目

本草綱目卷之二十一

水屬

甘爛水

一

本草綱目卷之二十一

甘瀾水

勞水即揚泛水張仲景謂之甘瀾水用流水二斗置大盆中以杓高揚之千萬遍有沸珠相逐乃取煎藥蓋水性本鹹而體重勞之則甘而輕取其不助腎氣而益脾胃也虞搏鑿學正傳云甘瀾水甘溫而性柔故烹傷寒陰證等藥用之順流水性順而下流故治下焦腰膝之證及通利大小便之藥用之急流水湍上峻急之水其性急速而下達故通二便風痺之藥用之逆流水洄瀾之水其性逆而倒上故發吐痰飲

麻生藥考卷之七

之藥用之也。明李東璧本草綱目

甘爛水其法取水二斗置大盆內以木杓搗之使水珠沫液盈於水面乃收用之其水與月窟水性同取其味甘温而性柔故可烹煑寒陰證等之藥也。明鄭二陽

鏡藥

